



Broj: JN-OP-78-49/17
Datum: 26.02.2018. godine

Na osnovu člana 6. a u vezi s čl. 64., 65. i 70. Zakona o javnim nabavkama BiH („Službeni glasnik BiH“ broj 39/14), člana 48. Pravilnika o javnim nabavkama „Elektroprenos – Elektroprivreda BiH“ a.d. Banja Luka, člana 67. Statuta „Elektroprenos – Elektroprivreda BiH“ a.d. Banja Luka i Zapisnika o pregledu i ocjeni ponuda i preporuci za dodjelu Ugovora Komisije za javne nabavke broj JN-OP-78-24/17, od 10.01.2018. godine, u postupku javne nabavke broj JN-OP-78/17, Nabavka potpornih izolatora (110 kV i 35 kV) za trafostanice u Operativnom području Sarajevo, postupajući po žalbi ponuđača MALCom d.o.o. Sarajevo izjavljenoj protiv Odluke o izboru najpovoljnijeg ponuđača broj: JN-OP-78-25/17 od 09.02.2018. godine, a na prijedlog Komisije za nabavku potpornih izolatora (110 kV i 35 kV) za trafostanice u Operativnom području Sarajevo, Generalni direktor „Elektroprenos – Elektroprivreda BiH“ a.d. Banja Luka donosi

O D L U K U

Član 1.

Usvaja se djelimično žalba ponuđača MALCom d.o.o. Sarajevo zaprimljena kod Ugovornog organa pod brojem: JN-OP-78-33/17 od 19.02.2018. godine izjavljena na Odluku o izboru najpovoljnijeg ponuđača broj: JN-OP-78-25/17 od 09.02.2018. godine te se mijenja Odluka o izboru najpovoljnijeg ponuđača broj: JN-OP-78-25/17 od 09.02.2018. godine, u dijelu obrazloženja koje se odnosi na ponuđača Polaritet d.o.o. Mostar, a redni broj 2 Konačne rang liste ponuđača koji su učestvovali u E-aukciji se briše.

U ostalom dijelu, Odluka o izboru najpovoljnijeg ponuđača broj JN-OP-78-25/17 od 09.02.2018. godine ostaje na snazi.

Član 2.

Ova odluka objavit će se na web stranici www.elprenos.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Razmatrajući žalbu ponuđača MALCom d.o.o. Sarajevo, Ugovorni organ je utvrdio da je ista djelimično osnovana i to u dijelu obrazloženja koji se odnosi na ponudu ponuđača Polaritet d.o.o. Mostar u kojoj je navedeno da je isti ocijenjen kao prihvatljiv, odnosno ispunjava zahtjeve postavljene tenderskom dokumentacijom. Navedeni dio obrazloženja se mijenja i glasi: „Polaritet d.o.o. Mostar nije zadovoljio zahtjeve iz tenderske dokumentacije predviđene Prilogom 8., tačka 2.10.1. Generalno (testovi), iz sljedećih razloga:

- Ponuđač Polaritet d.o.o. Mostar je za tipski atest broj EWN/2/E/00 za ispitivanje porcelanskih potpornih izolatora 110 kV, na strani 138 ponude, priložio Certifikat o akreditaciji za laboratoriju INSTYTUT ENERGETYKI - LABORATORIUM URZADZEN ROZDZIELCZYCH (certifikat o akreditaciji laboratorije za distributivnu opremu), a trebao je priložiti certifikata o akreditaciji za laboratoriju INSTYTUT ENERGETYKI-LABORATORIUM WYSOKICH NAPIEC (certifikat o akreditaciji visokonaponske laboratorije), u kojoj su i izvršena ispitivanja.

Ostale navode iz žalbe Ugovorni organ smatra neosnovanim i to kako slijedi:

1.Navod žalioca na ponudu Polaritet d.o.o, Mostar:

" Ponuđač Polaritet d.o.o, Mostar u svojoj ponudi 53/17 od 26.10.2017 na strani 7 priložio je djelimično popunjenu Izjavu o ispunjavanju uslova iz člana 45. Zakona o javnim nabavkama, ponuđač nije upisao broj obavještenja o javnoj nabavci. Izjava o ispunjavanju uslova iz Člana 45. Zakona nije popunjena prema zahtjevima tenderske dokumentacije br. JN-OP-78/17 u kojoj je na st. 6 tačka 1.2.1- jasno navedeno slijedeće: "u svrhu dokazivanja uslova iz tačke 12.1 od a) do d), ponuđač je dužan dostaviti popunjenu, potpisanu (od strane odgovorene osobe ponuđača ili osobe ovlaštene za podnošenje ponude od strane ponuđača) i kod nadležnog organa (organ uprave ili notar) ovjerenu izjavu o ispunjenosti navedenih uslova, Izjava se dostavlja u formi utvrđenoj Prilogom 5 tenderske dokumentacije i ne može biti starija od datuma objave obavještenja za predmetnu nabavku na portalu javnih nabavki". Nadalje u tenderskoj dokumentaciji na str. 6 tačka 12.4. navedeno je slijedeće: "U slučaju da se u ponudi ne dostavi navedeni dokument ili se ne dostavi na način kako je naprijed traženo, ponuđač će biti isključen iz daljeg učešća zbog neispunjavanja navedenog uslova za kavalifikaciju" Također, na str, 15 i str. 31 priložio je djelimično popunjene izjave o ispunjavanju uslova iz člana 47. Zakona i člana 52. Zakona o javnim nabavkama, nije upisan broj obavještenja o javnoj nabavci i kao takav ne ispunjavaju zahtjeve predmetne tenderske dokumentacije i Zakona o javnim nabavkama. "

Odgovor: Ovaj navod je neosnovan.

Propuštanje upisivanja broja obavještenja sa Portala javnih nabavki u Prilog 3 – Izjava o ispunjavanju uslova iz člana 45., Prilog 6 – Izjava o ispunjavanju uslova iz člana 47. i Prilog 7 – Izjava u skladu sa članom 52. nije značajan propust Ponuđača, iz razloga što je Ponuđač taj broj upisao u svojoj ponudi u Prilogu 2 –Obrazac za ponudu. Broj obavještenja sa Portala javnih nabavki poznat je Ugovornom organu prilikom objavljivanja Tenderske dokumentacije i kao takav ne predstavlja nikakvu bitnu informaciju za Ugovorni organ, te samim tim nije značajan propust ponuđača Polaritet d.o.o, Mostar, koji utiče na ispravnost ponude. Na osnovu navedenog smatramo da je ovaj žalbeni navod neosnovan.

2.Navod žalioca na ponudu Polaritet d.o.o, Mostar:

Ponudač Polaritet d.o.o. Mostar je u svojoj ponudi 53/17 priložio Izjavu na str. 142 da se tabelarni pregled tipskih ispitivanja nalazi u sklopu priloženih tipskih atesta. Pregledom tipskog atesta EWN/2/E/00 na str. 115-125 konstantovano je da isti ne sadrži tabelarni pregled provedenih tipskih ispitivanja. Priložena Izjava ne ispunjava zahtjeve predmetne tenderske dokumentacije u kojoj je na str. 43 pod tačkom 2.11 Dokumentacija obavezna za dostavu u sastavu ponude jasno navedeno sljedeće: "Tabelarni pregled provedenih tipskih ispitivanja za ponuđeni tip potpornog izolatora u skladu sa važećim IEC standardom".

Odgovor: Ovaj navod je neosnovan

Ugovorni organ tenderskom dokumentacijom nije definirao mjesto u tenderskoj dokumentaciji za dostavu pregleda provedenih tipskih ispitivanja.

Ponudač Polaritet d.o.o. Mostar je spisak provedenih tipskih ispitivanja dostavio u sastavu protokola o tipskim ispitivanjima na 117 stranici ponude, što je dodatno pojašnjeno Izjavom ponuđača na stranici 142 ponude. Na osnovu navedenog smatramo da je ovaj žalbeni navod neosnovan.

3.Navod žalioca na ponudu Polaritet d.o.o, Mostar:

Nije dostavljena akreditacija za laboratoriju I.T.E EDIFICO INSTITUTOS 2, UNIVERSIDAD POLITECNICA DE VALENCIA, CAMINO DE VERSA.

Odgovor: Ovaj navod je neosnovan

Ponudač Polaritet d.o.o. Mostar je dostavio akreditaciju španske nacionalne akreditacijske kuće ENAC za laboratoriju I.T.E – Instituto tecnologico de la energia (stranica 84 ponude).

Područje akreditacije obuhvata, između ostalog, i ispitivanje porculanskih i staklenih potpornih izolatora unutrašnje i vanjske montaže za nazivne napone > (veće) od 1 kV (stranica 102 ponude).

Na osnovu navedenog smatramo da je ovaj žalbeni navod neosnovan.

4.Navod žalioca na ponudu Polaritet d.o.o, Mostar:

U priloženim tipskim atestima IE-ITE-05049 (str.56-83) i EWN/2/E/00 (str. 115-125) nije navedena uspješnost provedenog testa, a što je zahtjevano predmetnom tenderskom dokumentacijom str. 43.

„Protokoli o tipskom ispitivanju treba da sadrže minimalno sljedeće podatke:

-Osnovni podaci o ispitivanom potpornom izolatoru

-Vrsta provedenog tipskog ispitivanja

-Datum ispitivanja i datum izdavanja protokola, broj protokola, naziv akreditovane laboratorije koja je provela ispitivanja i

-Kvalifikaciju uspješnosti provedenog testa"

Odgovor: Ovaj navod je neosnovan

- Tačkom 6. protokola broj EWN/2/E/00 tipskog testiranja 110 kV porcelanskih potpornih izolatora (strana 120-122 ponude ponuđača Polaritet d.o.o.) definisan je tok testiranja i tabelarni prikaz izmjerenih vrijednosti tokom ispitivanja. Poređenjem rezultata mjerenja iz priloženih tablica sa deklarisanim tehničkim vrijednostima izolatora (strana 129 ponude) uočljivo je da izmjerene vrijednosti provedenih tipskih ispitivanja zadovoljavaju deklarisanu vrijednosti, što je stručno prihvatljivo i dovoljno za potvrdu uspješnosti provedenog testa .

"Elektroprivreda Bosne i Hercegovine" a.d. Banja Luka IB: 402369530009

78000 Banja Luka, Marije Bursać 7a,

Tel. +387 51 246 500, Fax: +387 51 246 550

Operativna područja:

Banja Luka, Sarajevo, Mostar i Tuzla

MB: 11001416

BR: 08-50.3.-01-4/06

Ministarstvo pravde BiH

Sarajevo

Korisničke banke i brojevi računa

UniCredit Bank a.d. B. Luka 5510010003400849

Raiffeisen Bank 1610450028020039

Sberbank a.d. 5672411000000702

Nova Banka a.d. 5550070151342858

NLB Banka 1320102011989379

- Tačkom 7. protokola broj IE-ITE-05049 tipskog testiranja 35 kV porcelanskih potpornih izolatora (strana 63-67 ponude ponuđača Polaritet d.o.o.) dat je tabelarni prikaz izmjerenih vrijednosti tipskih ispitivanja.

-Za tačku 7.1.Electrical test (strana 63-65 ponude) definisana je tablica sa prikazanim rezultatima srednjih vrijednosti izmjerenih veličina na koju je data saglasnost laboratorije, što je stručno prihvatljivo i dovoljno za potvrdu uspješnosti provedenog testa .

-Za tačku 7.2.Mechanical test (strana 66-67 ponude) definisana je tablica sa prikazanim rezultatima srednjih vrijednosti izmjerenih veličina koje zadovoljavaju deklarisanu vrijednosti potpornih izolatora, što je stručno prihvatljivo i dovoljno za potvrdu uspješnosti provedenog testa .

Na osnovu gore navedenog smatramo da je ovaj žalbeni navod neosnovan.

5.Navod žalioaca na ponudu Inving Invest Inženjering d.o.o. Prijedor:

" Ponuđač Inving Invest Inženjering d.o.o. Prijedor je u sklopu svoje ponude dostavio Ovlaštenje kojim ovlašćuje lice Jelenu Novaković da može potpisati ponudu i svu traženu dokumentaciju traženu po predmetnom tenderu. Ovo ovlaštenje je urađeno na memorandumu ponuđača i nije ovjereno od strane nadležnog tijela i nije pravno obavezujuća u skladu sa pravnim propisima validnim u BiH. Budući da se radi o ponudi i o pravno obavezujućim dokumentima jer je ovlašteno lice potpisalo dokumente na kojima se nalaze bitni uslovi za potpis Ugovora: prilog 2-Obrazac za cijenu ponude te Prilog 3 - Obrazac za cijenu ponude radi se o zastupanju Društva koje je izdalo punomoć a prema članu 23. stav (5) Zakona o privrednim društvima Federacije BiH, (5) Lica ovlaštena za zastupanje upisuju se u registar društava. Ovlašteno lice po predmetnoj punomoći nije upisano u registar društva i samim tim predmetna ponuda nije u skladu sa zakonskim propisima u Bosni i Hercegovini, odnosno nije pravno obavezujuća za Društvo koje je dalo ponudu.

Skrećemo pažnju da se formalno može desiti da je iz bilo kog raztoga punomoć povučena prije roka za predaju ponuda, a Ponuđač nema nikakvu obavezu da o tome obavijesti Ugovorni organ te da po tom osnovu Ponuđač nema nikakvu obavezu po predmetnoj ponudi jer lice koje je potpisalo ponudu ima pravno nevažeću punomoć a Ponuđač nema nikakvu obavezu da potpiše ugovor jer lice koje je potpisalo ponudu nije upisano u sudski registar te nema pravo za zastupanje Ponuđača prema Zakonu o privrednim društvima Federacije BiH. "

Odgovor: Ovaj navod je neosnovan.

U ponudi Inving Invest Inženjering d.o.o. Prijedor dostavljeno je Ovlaštenje (na 115 strani ponude) kojim odgovorno lice Bojić Stojan ovlašćuje Novaković Jelenu da predstavlja preduzeće, priprema i potpisuje ponudu i ostale dokumenete vezano za ponudu. U tački 18.5 Tenderske dokumentacije i u članu 58., stav (1)., tačka g) Zakona o javnim nabavkama navedeno je ko može da potpisuje dokumenta u ponudu, ali se ne navodi da ovlaštenje ili punomoć mora biti ovjerena od strane nadležnog organa. Ovlaštenje je dato na memorandumu ponuđača, potpisano od strane odgovornog lica i ovjereno pečatom ponuđača, a s obzirom da u Tenderskoj dokumentaciji nije tražena nikakva posebna forma niti ovjera od strane nadležnog organa isto smatramo ispravnim. Žalilac se poziva na član 23. stav (5) Zakona o privrednim društvima, kojim se ne propisuje davanje ovlaštenja ili punomoći već se navodi ko je ovlašten za zastupanje i predstavljanje društva. Takođe je navedeno da Ovlaštenje nije u skladu sa validnim propisima u BiH ali se ne navodi koji su to tačno propisi. Na osnovu gore navedenog smatramo da je ovaj žalbeni navod neosnovan.

Takođe u Konačnoj rang listi ponuđača koji su učestvovali u E-aukciji, redni br. 2 se briše, obzirom da pomenuti ponuđač nije zadovoljio zahtjeve iz tenderske dokumentacije predviđene Prilogom 8., tačka 2.10.1. Generalno (testovi).

KONAČNA RANG LISTA PONUĐAČA KOJI SU UČESTVOVALI U „E“ - AUKCIJI

OPSA						
R.br.	Naziv ponuđača	Početna cijena bez PDV-a (KM)	Razlika podnesene cijene (KM)	Konačna cijena bez PDV-a (KM)	Konačna cijena sa PDV-om (KM)	RANG
1.	Inving Invest Inženjering d.o.o. Prijedor	43.647,00	17.357,00	26.290.00*	30.759,30	I
2.	MALCom d.o.o. Sarajevo	43.642,50	/	43.642,50*	51.061,72	II

*označava cijenu na koju se primjenjuje preferencijalni tretman

Obzirom na navedeno, odlučeno je kao u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba Kancelariji za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, na adresu:

"Elektroprenos – Elektroprijenos BiH" a.d. Banja Luka, ul. Marije Bursać 7a, 78 000 Banja Luka.



Generalni direktor

Mato Žarić, dipl. ing. el.

Dostaviti:

- Ponuđačima,
- Članovima Komisije i sekretaru,
- Služba za komercijalne poslove,
- A/a.

"Elektroprenos Bosne i Hercegovine" a.d. Banja Luka IB: 402369530009
78000 Banja Luka, Marije Bursać 7a,
Tel. +387 51 246 500, Fax: +387 51 246 550
Operativna područja:
Banja Luka, Sarajevo, Mostar i Tuzla

MB: 11001416
BR: 08-50.3.-01-4/06
Ministarstvo pravde BiH
Sarajevo

Korisničke banke i brojevi računa
UniCredit Bank a.d. B. Luka 5510010003400849
Raiffeisen Bank 1610450028020039
Sberbank a.d. 5672411000000702
Nova Banka a.d. 5550070151342858
NLB Banka 1320102011989379